

EUSKAL PRESOK. Epaileari presoak aske uzteko eskatu zioten atzo

Bautista Barandallari egindako ebakuntzak gaitza zabaldu dela erakutsi du

Espetxera itzuliz gero, egoerak okerrera egingo duela esan dute

Irene Arrizurieta | IRUÑEA

Bautista Barandallari heste lodia mozteko egin dioten ebakuntzak agerian utzi du gaixotasuna gibelera eta hezurretara zabaldu zaiola. Egoera horretan, kartzelara itzuliz gero, gaitzak okerrera egingen duela esan zuen atzo Koldo Morras presoaren konfiantzazko medikuak.

Herenegun Bideko Amabirjina erietxeko Zainketa Intentsiboetako Unitatetik gela arrunt batera eraman zuten Barandalla. Berreskurapena «uste bezala eta ongi» doala esan zuen Morrasek atzo ospitaleko atarian. Izan ere, harekin batera Etixerat elkarteak ordezkariak eta presoaren askatasuna eskatzeko txandakako baraua egin ari direnak elkarretaratzea egin zuten presoaren askatasuna eskatzeko.

Morrasek azaldu zuenez, «ebakuntzan heste lodia zati bat kendu diote baina gaixotasuna gibelera edota hezurretara zabaldu dela ikusi da».

Presoak egun 37 urte ditu eta heste lodia kentzeko «ekidin duen bakarra hesteetako minbizia agertzea» dela zehaztu zuen. «Dena dela, mugitzeko zailtasunak izatea eta gibeletako minbizia sortzeko aukera ezin da ekidin», azpimarratu zuen kezkatuta.

Iruñeko Espetxe Zaintzako epailea gaitz kroniko eta sendaezinak egin duen «okerrerako garapenaz» jakinaren gainean dagoela aipatu zuen. «Zehaztu zaio ere «gaitzak daraman bideak ez duela zerikusirik heste lodia mozteko egin zaion ebakuntzarekin», jakinarazi zuen.

Barandallaren gaitzak jarraipen «zorrotza» behar duela az-



LANDER F. ARROIAE / ARGAZKI PRESS

Barandallaren askatasuna eskatu zuten erietxearen aurrean, atzo.

DEIALDIAK

8 orduko elkarretaratzeak

Iruñea. Bideko Amabirjina erietxearen aurrean 12:00etatik 19:00 arte.

Gasteiz. Ama Zuriaren plazan 12:00etatik 20:00 arte egingen da elkarretaratzea.

Bilbo. Arriaga antzokiaren aurrealdean izango da, 12:00etatik 20:00etara.

Donostia. Artzai Onaren aurrean egingen da, eguerditik 20:00etara.

pimarratu zuen. Horregatik kartzelara itzuliz gero, gaitzak okerrera egingen lukeela ohartarazi zuen Morrasek. Dena uste bezala badoa, ebakuntzako puntuak hamar egun barru kenduko dizkiote. Hiru hilabete barru

berriro beste ebakuntza bat egin beharko diote sabelean libratzeko duen poltsa kentzeko eta hesteak bide naturala egiteko. «Egunean 8-10 aldiz libratzen da. Horregatik garbiketa zorrotza behar du eta espetxeak ez du hori ahalbidetzen», zehaztu zuen.

Morrasek Barandalla artatu duten medikuen lana eta tratu egokia eskertu zuen dena ongi ateratzeko artatzea ona izan delako.

Bien bitartean, presoaren askatasunaren aldeko ekintzak jarraitzen dute. Hiriburuetako deialdietaz gain, herri eta auzoetan ere egingen dira elkarretaratzeak. Iruñeko Alde Zaharrean burrunba deitu dute gaur 20:30erako. Espetxeetan ere segitzen dute barauak eta borrokaldiek ere, Barandallaren askatasuna eskatzeko.

LAGURREAN

Ramon Zabaleta presoak aske geratu da, 18 urte preso egin ondoren

Ramon Zabaleta Garmendia Lezoko (Gipuzkoa) presoak aske geratu zen atzo 18 urte espetxean egin ondoren. Zabaleta arratsaldeko 17:00ak aldean ateratzen Cacereseko kartzelatik, eta goizaldean espero zuten herrian lehen ongi etorria egiteko. Garmendiak duela hiru urte bete zituen zigorraren hiru laurdenak. Duela gutxi zenbait luditze eman dizkiote, eta horiek kontutan hartuta orain urte eta erdi bete zuen zigorra osorik.

'Adierazpen eta elkarte askatasuna Euskal Herrian' izenburuko liburua aurkeztu dute Bruselan abokatuek

Euskal Herriko Giza Eskubideen Behatokiak eta Euskal Herriko abokatuen elkarteak osatutako Eskubideak taldeak *Adierazpen eta elkarte askatasuna Euskal Herrian* liburua aurkeztu zuten, atzo. Aurkezpenean Julen Arzuagak eta Didier Rougetek egin zuten Europako Legebiltzarrean. Espainiako justiziak Euskal Herriko hainbat elkarte lege kanpo uzteko egin dituen prozedura judizialak aztertzen ditu. Hainbat eurodiputatu egon ziren ekitaldian.

ETak hildako Fernando Mujika sozialistari lore eskaintza egin zioten, atzo, Donostian

Alderdi sozialistako kide zen Fernando Mujika ETak hil zuela zazpi urte bete ziren, atzo. Lore eskaintza egin zioten alderdi sozialistako eta bere familiako hainbat kidek Donostiako Polloen. Besteak beste, han ziren Patxi Lopez PSE-EEko idazkari nagusia eta bere anaia Enrike Mujika. Mujikak esan zuen bakea biktimen oroimenean eta askatasunaren gainean eraiki behar dela.

AUZITEGI

KONSTITUZIONALA

Jimenez de Pargaren aurka Jaurilaritzak jarritako errefusatzeari tramitera onartu du Konstituzionalak

Erredakzioa | DONOSTIA

Manuel Jimenez de Parga Espainiako Auzitegi Konstituzionaleko presidentearen aurka Eusko Jaurilaritzak jarritako errefusatzeari tramitera onartzea erabaki zuen atzo Auzitegi Konstituzionalak. Errefusatzeari inguruko erabakia hartu bitartean ez dute aztertuko Alderdien Legearen inguruko inkonstituzionaltasun galdea. Hain zuzen, Konstituzionalak hilaren 11n egin behar zuen osoko bilkuran aztertu behar zuen Eusko Jaurilaritzak aurkeztutako inkonstituzionaltasun helegitea, baina errefusatzeari erabaki arte ez dute aztertuko.

Jimenez de Pargak urtarillaren 21ean egindako adierazpen batzutan, Batasunaren aurka Auzitegi Gorenean ematen ari den prozesuan, lege kanpo gertatzearen aldeko ebazpena ateratzea espero duela eman zuen ulertzerak. Eusko Jaurilaritzaren aburuz, adierazpen horiek Auzitegi Konstituzionaleko presidentearen inpartzialtasuna auzitan jartzen dute.

Atzo erabakitakoaren arabera, datorren astean aztertu beharko du Auzitegi Konstituzionaleko osoko bilkurak Jimenez de Pargaren aurkako errefusatzeari, presidentea ez dagoela. Horri buruz erabaki ostean, otsailaren 18aren aldera, Jaurilaritzak aurkeztutako inkonstituzionaltasun helegitea aztertuko luke.

Jaurilaritzak Jimenez de Pargaren aurka aurkeztu duen bigarren errefusatzeari da. Lehenengoa, Jimenez de Pargak komunikabide batzuetan eginiko adierazpen batzutan oinarrituta egin zuen, baina Auzitegi Konstituzionaleko kide guztiek Jimenez de Pargaren alde egin zuten.

Idiazabalgo Udala
IRAGARKIA

Errekalde aldeko lurzati bati dagokion Arau Subsidiarioetako 14. zenbakidun Elementu Aldaketa dokumentuaren hasierako onarpena.

Idiazabalgo Udalak 2003ko urtarrilaren 28an egindako Osoko Batzarrean ondorengo akordioa onartu zuen:

- 1.- Hasierako onarpena ematea, Idiazabalgo Errekalde aldeko lurzati bati dagokion Arau Subsidiarioetako 14. zenbakidun Elementu Aldaketa dokumentuari.
- 2.- Indarrean legedioak ezarritakoaren arabera, baimenak etenda gelditzea dira aldaketak eragindako lur zatian.
- 3.- Espedientia hila beteko epean jendetsuraren erakutsirik jarzea Udaleko Idazkaritzan interesdunak alegazioak aurkeztu ahal dituzten.
- 4.- Baimenak etentzeko akordioa behin betikoa da eta amalerak ematen dio administrazio bideari. Beronen aurka Administrazio-arekiko Auzi Errekurtsoa aurkeztu ahal izango da, Euskal Herriko Autonomia-Ekarterako Zuzentza Auzitegi Gorenaren Administrazio-arekiko Auzitarako Sailaren aurrean, bi hilabete epean. Aldez aurretik eta derigorrez, ebazpen hau eman duen organoari jakinarazi behar zaio.

Idiazabal, 2002ko urtarrilaren 29an. Alkateak

SEASKA

SEASKA, Euskal erakaskuntzarako Batasunak, aurtengo ikasturterako LEHEN MAILAKO ORDEZKARIAK bilatzen ditu:

Bete behar diren baldintzak:

- II. heineko diploma (Baxoa + 3 urte)
- Euskaraduna + frantsesaren ezagutzea
- Esperientzia oinarritzko hezkuntza orokorreko erakaskuntzan

Interesatuak diren pertsonak, Seaskara igor dezatela,

2003ko otsailaren 21a aintzin:

- Kandidatura gutun bat C.V. batekin
- Diplomen kopiak
- Telefono zenbaki bat, deitua izaiteko gisan.

Seaska - Central Forum - Pontots Bidea - 64100 BAIONA Cidex
Tel. 05 59 52 49 24 / Faxa: 05 59 52 88 87

J. Bengoa

MUSIKARENTZAT, BIZITZA BAT

Boulevardeko arkupeak, 20
Tel.: 943 42 37 03-4 - Donostia

- PIANOAK
- ORGANOAK
- AKORDEOIAK
- KOMUNIKAZIOAK
- AUKERAKO PIANOAK
- MEGAFONIA
- GOI-FIDELITATEA
- SOINUA-ALOKAIRUA